

ბავშვთა და შეზღუდული შესაძლებლობის მქონე პირთა სოციალური დაცვა

(პროგრამული კოდი- 06 02 01)

1. პროგრამის სახელწოდება: ბავშვთა და შშმ. პირთა სოციალური დაცვა , რომელშიც შედის - ახალშობილების , მკვეთრად გამოხატული შეზღუდული შესაძლებლობების მქონე პირების/ ბავშვების, მრავალშვილიანი და მარჩენალდაკარგული ოჯახების (რომელთაც ჰყავთ 18 წლამდე ასაკის შვილები) , ერთჯერადი (ფულადი) დახმარების პროგრამა.

2. პროგრამის მთლიანი ბიუჯეტი---40 000 (ორმოცი ათასი) ლარი.

I კვარტალი --20 000 (ოცი ათასი) ლარი

II კვარტალი-- 10 000 (ათი ათასი) ლარი

III კვარტალი--5 000 (ხუთი ხუთასი) ლარი

IV კვარტალი --5 000 (ხუთი ხუთასი) ლარი

3. პროგრამის დაფინანსების წყარო:

მესტიის მუნიციპალიტეტის მერიის 2022 წლის ბიუჯეტი .

4. პროგრამის განხორციელებაზე პასუხისმგებელი ორგანო:

მესტიის მუნიციპალიტეტის მერიის სოციალური დაცვის სამსახური.

5. პროგრამის მიზნები:

აღნიშნული პროგრამის მიზანია მესტიის მუნიციპალიტეტში მუდმივად მცხოვრები და რეგისტრირებული ახალშობილებისთვის საჩუქრის სახით, ერთჯერადი ფულადი დახმარების გაწევა მუნიციპალიტეტში არსებული დემოგრაფიული მდგომარეობის გაუმჯობესების მიზნით. მკვეთრად გამოხატული შეზღუდული შესაძლებლობების მქონე პირებისთვის და ბავშვებისთვის ჯანმრთელობის მდგომარეობის გაუმჯობესების მიზნით ერთჯერადი ფულადი დახმარება, მარჩენალდაკარგული და მრავალშვილიანი ოჯახების დახმარებისა და ხელშეწყობის უზრუნველსაყოფად, მათთვის სოციალური მდგომარეობის გაუმჯობესების და წახალისების მიზნით ერთჯერადი მატერიალური დახმარების გაწევა.

6 . დახმარების გაცემის წესი:

ფულადი დახმარების გაცემა და თანხის ჩარიცხვა განხორციელდება უნაღდო ანგარიშსწორების გზით, განმცხადებლის პირად საბანკო ანგარიშზე ან გამონაკლისის შემთხვევაში, მოქალაქის ჯანმრთელობის მდგომარეობიდან გამომდინარე შესაბამისი დოკუმენტაციის წარმოდგენის შემთხვევაში , თანხა ჩაერიცხება მის ოჯახის წევრს.

7. პროგრამით მოსარგებლე პირთა (მომხმარებელთა) კატეგორია:

1. მარჩენალდაკარგული ოჯახები რომლებსაც ჰყავთ არასრულწლოვანი შვილი (შვილები) ერთჯერადი მატერიალური დახმარება 100 (ასი) ლარის ოდენობით.

2. შეზღუდული შესაძლებლობების მქონე პირები და ბავშვები (18 წლამდე) ერთჯერადი მატერიალური დახმარება 100 (ასი) ლარის ოდენობით.
3. ახალშობილები - ერთჯერადი მატერიალური დახმარება, პირველ ბავშვზე - 150 (ას ორმოცდაათი) ლარი, მეორე ბავშვზე - 200 (ორასი) ლარი, და ყოველ მომდევნო ბავშვზე აღნიშნულ თანხას დაემატება დახმარება 100 (ასი) ლარის ოდენობით.
4. მრავალშვილიანი ოჯახები - ერთჯერადი მატერიალური დახმარება 150 (ას ორმოცდაათი) ლარის ოდენობით.

8. პროგრამით მოსარგებლე პირთა შერჩევის წესი.

მესტიის მუნიციპალიტეტის მერიაში შემოსული განცხადებები.

1. მარჩენალდაკარგული ბავშვის ერთ-ერთმა მშობელმა ან მეურვემ მერიაში უნდა წარმოადგინოს:

- ა) განცხადება მერის სახელზე;
- ბ) მშობლის პირადობის მოწმობის ასლი;
- გ) ბავშვის (ან ბავშვების) დაბადების მოწმობის ასლი;
- დ) ბავშვის შესაბამისი სტატუსის დამადასტურებელი დოკუმენტის ასლი (ცნობა სოციალური მომსახურების სააგენტოს მესტიის განყოფილებიდან) ან მშობლის (მშობლების) გარდაცვალების მოწმობის ასლი.
- ე) დედ-მამით ობოლი ბავშვების შემთხვევაში დამატებით – მეურვის პირადობის მოწმობის ასლი და მეურვეობის დამადასტურებელი ცნობა;
- ვ) განმცხადებლის საბანკო პირადი ანგარიშის ნომერი.

2. შეზღუდული შესაძლებლობის მქონე ბავშვების (0-დან 18 წლის ასაკამდე) შემთხვევაში მეურვემ/მშობელმა უნდა წარმოადგინოს:

- ა) განცხადება მერის სახელზე;
- ბ) მშობლის პირადობის მოწმობის ასლი;
- გ) ბავშვის დაბადების მოწმობის ასლი;
- დ) ბავშვის შესაბამისი სტატუსის დამადასტურებელი დოკუმენტის ასლი (ცნობა სოციალური მომსახურების სააგენტოს მესტიის განყოფილებიდან)
- ე) განმცხადებლის საბანკო პირადი ანგარიშის ნომერი.

3. მკვეთრად გამოხატული შეზღუდული შესაძლებლობის (I ჯგუფი) მქონე პირმა (ან მისი ოჯახის წევრმა) მერიაში უნდა წარმოადგინოს:

- ა) განცხადება მერის სახელზე;
- ბ) განმცხადებლის პირადობის მოწმობის ასლი;
- გ) შესაბამისი სტატუსის დოკუმენტის ასლი ან ცნობა სოციალური მომსახურების სააგენტოს მესტიის განყოფილებიდან;
- დ) განმცხადებლის საბანკო პირადი ანგარიშის ნომერი.

4. მრავალშვილიანმა (5 და მეტი შვილი 0-დან 18 წლის ასაკამდე) მუნიციპალიტეტში მუდმივად მცხოვრებმა და რეგისტრირებულმა ოჯახმა, მერიაში უნდა წარმოადგინოს:

- ა) განცხადება მერის სახელზე;
- ბ) მშობლების პირადობის მოწმობის ასლები;
- გ) ბავშვების დაბადების მოწმობის ასლები;
- დ) ქორწინების მოწმობის ასლები (არსებობის შემთხვევაში);
- ე) განმცხადებლის საბანკო პირადი ანგარიშის ნომერი.

5. ახალშობილის მესტიის მუნიციპალიტეტში მუდმივად მცხოვრებმა და რეგისტრირებულმა ოჯახმა მერიაში უნდა წარმოადგინოს:

- ა) განცხადება მერის სახელზე;
- ბ) მშობლების პირადობის მოწმობის ასლები;
- გ) ბავშვის/ბავშვების დაბადების მოწმობის ასლი;
- ე) მალაშვილიან დასახლებაში მუდმივად მცხოვრები პირის სტატუსის დამადასტურებელი ცნობა (საჭიროების შემთხვევაში) ;
- ვ) განმცხადებლის საბანკო პირადი ანგარიშის ნომერი.

9. მოსალოდნელი შედეგი:

პროგრამის განხორციელების შედეგად: უკეთესობისკენ შეიცვლება სოციალური ფონი, ხელი შეეწყობა უკიდურესად გაჭირვებული მოსახლეობის ფენის შემცირებას, გაუმჯობესდება დემოგრაფიული მდგომარეობა.